



NOVENA
MARIA AUXILIADORA

2016

INTRODUSAUN BA NOVENA MARIA AUXILIADORA

Ba Don Bosco Maria Auxiliadora mak prezensa moris iha nia espereinsia rasik iha Oratorio no iha nia moris wainhira nia sei labarik kiik kiak ida. Maria mak prezensa ativa iha istoria Kreda nian, iha umanidade no iha ita nia comunidade. Prezensa ida materna no mediator Grasa ba nia oan feto no mane sira, Inan ida nebe kontinua funu hasoru buat aat nebe mosu no fo ameasa ba ita. Wainhira Don Bosco propoen ba ema atu halo “Novena” ida, nia halo ho konviksaun kona ba Maria nia maternidade no mediasaun. La bele duvida ba sira nebe hatudu sira nia fiar no domin ba Nain Feto: Don Bosco dehan: “se imi hakarak grasa husi Nain Feto halo novena ida”. Nune’e intensifika imi nia orasaun ba nia.

Ohin mos ita hahu novena ba Maria Auxiliadora tamba folin boot liu ba Don Bosco no ba familia salesiana tomak. Hakarak husu ho fiar ba Maria atu liu husi Nain nia harohan dae’t bele haraik konversaun ba ita ida-idak, nia oan feto no mane sira nune’e bele moris tinan Misericordia ida ne’e ho Konviksaun katak tinan Grasa Nain nian, oportunidade ida ba ita atu hakat liu tan ba sentru misteriu Maromak nian no ita fiar atu simu Misericordia, hodi nakfilak ita nia fuan no ita nia comunidade sai fatin misericordia liu tan, kuran malirin, domin nebe manas liu no solidariedade entre ita hodi hasoru ita nia maun alin sira nebe presiza liu, liu-liu foinsa’e sira. Hanoin kona ba buat ne’ebe’ Don Bosco husu; se mak hakarak hetan grasa especial husi Maria Auxiliadora: fiar makaas iha Maromak, hamutuk ho konviksaun nebe Nia hatene diak ba ita, no disponibilidade atu simu Nia hakarak no ba misaun nebe sei akontese. Don Bosco mos insiste makaas atu kuda iha ita nia fuan hodi moris novena ho fiar: konvida ita hakbesik an ba sakramentu rekonsiliaun no Eukaristia atu hamoris fila fali fiar iha Jesus Sakramentadu no iha mediasaun materna Maria Auxiliadora nian, halo no oferese ba servisu edukasaun foinsa’e sira nian. Nune’e hafoun ita nia moris ba foinsa’e sira nia salvasaun.

Konvida ita atu reza lor-loron Novena tradisional ne’ebe’ proposta husi Don Bosco no foti fali elementu itinerario atu haklean orasaun saran an ba Maria Auxiliadora nian, ne’ebe’ ita hotu esperiensia durante tinan tomak kada 24 fulan-fulan. Ho modu ida nee hakarak prepara ita nia fuan atu simu Grasa konversaun pesoal no comunidade, no atu hafoun fila fali ita nia saran an ba Maria Auxiliadora iha dia 24 de Maio. Komunitade ida-idak bele buka modalidade nebe diak liu atu adapta ba situasan konkretu atu selebra hamutuk iha momentu ida nee.

Kantu: O Maria Virgene Potente

Loron 1 : “Virjen Maria, Maromak Nia Inan no ami Inan, ami saran an ba ita atu bele moris iha disponibilidade total ba Maromak no ba mundu nia salvasaun.”

Família Salesiana sira hotu!

**BOAS FESTA
INAN MARIA AUSILIADORA**

Impeñu: Iha dadersan, saran ho modo espesial ba Maria ita nia inkontru no impeñu loron nian, husu ba nia grasa atu nia bele gia ita iha buat hotu. Iha kalan halo ezame konsiensia, hau husu ba hau nia an saida mak Maria halo iha hau nia fatin...ho ema ida ne'eba'... iha situasaun ida ne'eba'....?

Loron 8 : “Tulun ami atu manan buat aat no sala”

L. Iha funu hasoru sala, Maria mak ita nia defesa dahuluk. Hanesan mos buat ne'ebe' Amu Papa Fransisco husu, atu valoriza Maromak nia Misericordia la'o iha diresaun hanesan hafoun lor-loron ita- an, ita nia fragilidade, ita nia puntu fraku no ita nia hahalok aat, ba Aman nia misericordia, neineik maibe sei libera ita, kura ita, santifika ho Nia domin. Domin Maromak nian, repete papa Fransisco: "Nia la kole atu perdua ita maibe ita dala ruma kolen atu husu perdua ba Nia. Maromak hakarak ita atu sai hanesan Maria! Kmanek liu ita nia hakarak atu simu perdua, sai kmanek liu tan fuan frutu misericordia nian .

Impeñu: Hamutuk ho Maria hau prepara an atu moris sakramentu Rekonsiliasaun nian ho hahalok haraik an, fiar atu simu ho hakmatek hau nia pobreza no no halo tuir hau nia impeñu sira, iha dalan libertasaun husi sala no simu Maromak Aman nia misericordia.

Loron 9 : “Tan ho ita, no hanesan ita bele fo gloria ba Aman Maromak ohin no nafatin. Amen”

L. Maromak hili Maria, fetoran haraik an husi Nazare, atu kumpri ninia Salvasaun. Nia ho haraik an liu husi nia no husu nia hakarak. Ita hatene katak lojika ida nee kontinua. Maromak kontinua hili ema kiik sira atu kumpri buat ne'ebe' boot, Nia hili João Bosco bibi atan kiik ida husi Becchi, Nia hili ignorante knua kiik ida Mornese, Maria Mazzarello no ohin hili o, hau ita hotu atu kontinua ninia istoria Salvasaun nian. Ne'e mak lojika ida ne'ebe' involve umanidade tomak. Iha magnifikat Maria hahi ho fidelidade no domin ba Maromak. Nia mak hanoin nafatin nia aliansa halo ho Abraun no nia jerasaun ba nafatin. Promesa ida nebe sai realidade iha Jesus.

Impeñu: Hananu hamutuk ho Maria nia magnifikat fo gloria ba Maromak ba diak hotu nebe nia halo mai ita no ba umanidade tomak.

L. Iha ami nia moris lor-loron, iha okazaun kiik no boot bele kontempla iha ami isin “buat nebe falta iha paixaun Cristu nian, atu favorese Nia isin ida ne'ebe' mak Kreda. (Kol 1,24) maibe dalaruma susar ba ami atu ba hasoru tamba sei dauk prontu, ami simu husi ita nia liman maske tarak ida deit husi ita nia koroa. Iha momentu ruma ami imajina atu bele mate nudar martiriu tamba fiar, maibe ami la konsege atu simu buat ne'ebe' la tuir ami nia planu..

Impeñu: saran - an ba Maria sai hanesan nia, disponivel atu simu ho domin hodi halo tuir Maromak nia hakarak.

Ami Aman ,Ave Maria, Gloria, Salve Liurai Feto no Graças e louvoures 3x

Maria sarani sira nia tulun..... Harohan mai ami 3x

Loron 2: “Ita mak Inan no tulun nain ba kreda, proteje ami nia amu Papa Francisco, Bispo sira, Nailulik sira no Relijiosu sira”.

L. Ho titulu loron daruak aktu saran an nian konvida ita atu rekoñese Maria,” Jesus nia Inan no ita Inan”, Inan no Tulun nain Kreda nian. Nune'e ho Nia, no iha Nia mak tempu nia rohan (Gal 4,4) fo isin ida ba Maromak Nia Oan Mane, too tempu nia rohan kolabora ho Espiritu Santu, tamba Kristu nia isin mak kreda ne'ebe' kontinua hahoris domin Aman nian. (Ipt 1,3) Iha Isin ida nee, Saun Paul hanorin, imi iha membru barak (Icor 12,12) iha sira leet ida mak Maria fihir atu tau matan, liu husi ninia kbiit intereseaun no nia esemplu nabilan moris ne'ebe' fo tomak.

Impenu: Ho Maria ita medita “Jesus Nia Lia Fuan” ho ida ne'e ema hotu hatene katak imi hau nia dixipulu sira, se imi hadomi malu” (Gv 13,35) hanoin no refere ba irman sira iha hau nia comunidade / Ispetoria, hau nia maun alin fiar nain sira, ne'ebe' moris iha Parokia, sidade, Diocese iha ne'ebe' hau hela ba.

Loron 3: Loke foinsa'e sira nia fuan ba Maromak nia bolu no halo sira atu tuir Maromak ho aten brani no fidelidade”.

L. Konvida ita atu tulun foinsa'e sira atu sai “haksolok iha tempu no iha eternidade” akompaña sira atu deskobre sira nia vokasaun rasik. Se ema hotu bolu, ba disernimentu vokasional, lao's privilejiu ida ne'ebe' riserva ba labarik sira nebe diak. Loos katak dalan ba ema ida-idak mak la hanesan / diversa, ba ema ida -idak diversa husi fatin ne'ebe' nia mai no

ba fatin nebe nia atu too, maibe laos ida nee deit, foinsa'e ida-idak iha diereitu atu hanoin no koalia katak domin mai husi Maromak iha modo uniku, no pesoal no mos hanesan ema nebe inamorado ho Maromak, no hakarak nia atu sai ema foun. Foinsae sira bele fiar Jesus nia domin, se sira mos hatudu domin ho gratidaun hanesan Nia no fahe ho sira ita nia esperiensi enkontru ho Maromak nian. (ACGXXIII)

Impeñu: Ho Maria no iha comunidade bele husu ba ita nia an se ita nia comunidade mak vokasional no se favorese kultura vokasausional liu husi prezenza edukativa atu promove dixernimentu no akompañamentu foinsae sira nian.

Loron 4: Hamatan ba ita nia Instituto no Familia Salesiana tomak , ita nia parente no benfeitor sira, antigas/antigos alunos no ba foinsae sira hotu nebe entrega mai ita.

L. Ita mak familia ida ne'ebe' moris husi Maromak nia fuan, no saran ba Maria husi momentu dahuluk nia moris wainhira Don Bosco iha nia mehi tinan 9. Ne'e mak nafatin atu hanoin katak mehi dahuluk mak fundamentu moris apostoliku ba ita nia Aman; iha nia lia fuan no jestu hotu iha dimensaun profetika ida. Maria iha ne'eba' apresenta nudar Inan no mestra maibe mos nudar protetora ba nia obra / servisu hotu.

Ita FMA hola parte ba familia ida nee: Ita nia Instituto mak parte moris husi Familia Salesiana. Iha Familia Salesiana ita fahe rikusoin Espiritual Fundador nian no ita ofere hanesan Mornese relasaun orijinal ita nia vokasaun nian. (Cost. 3)

Impeñu: Ohin ita saran ba Maria laos Instituto deit, maibé mos hanesan familia Salesiana no reza ba grupu hotu-hotu, nune'e ita hotu bele experimenta "Maria mak halo buat hotu" iha Don Bosco nia Obra no iha ita nia moris.

Loron 5 : "Inan no modelu kredo nian, hanorin ami atu moris hanesan ita: karidade pasensia, haraik-an iha ksolok, no fuan moos nian"

L. Karidade pasensia, haraik –an iha ksolok no fuan moos Maria nian, laos ba nia inpeñu personal, maibé fruta husi nia komunian intima no indissolubile ho Jesus: Nia domin ba ita mak partesipa iha domin rohan laek Jesus nian mai ita, nia haraik an no konformasaun ho Kristu nia haraik an, nia laran mos mak iradisaun Maromak nia prezenza iha nia, prezenza ida nebe ema hotu hare no iha. Tan nee Maria mos nakonu ho

ksolok, Nia mak Maromak nia uma ho ita! Sai uma Maromak nian iha ema leet: nee uma nebe hein Maromak husi nia Kreda no husi ita ida-idak.

Impeñu: Ho Maria hau sei halo visita ida ba Jesus Eukaristiku, atu rona no agradese nia, atu husi hau koinvolje nia Misericordia husi nia sentimentu, no aprende segredu autentiku ida inkontru ho hau nia irman sira, ho membru comunidade edukativa nian no ema hotu nebe hau sei hasoru ohin. (Const. 40)

Loeon 6 : "Atu bele sai sinal Ninia prezenza iha mundu"

L. Sai sinal prezenza Maria nian iha mundu mak buat ne'ebe' Don Bosco hakarak ba FMA. Don Rua foti fundador ida nee nia hakarak no ho domin nia repete : " imi tenke sai nina imajen ida. Nia tulun nain ba povu kristaun sira, imi nia oan fetu, prepara imi an atu sai tulun nain ba klamar sira iha dalan ba lalehan nian". Ida nee husu ba ita, tau ita nia an iha Maria nia eskola, aprende "husi nia atitude fiar, esperansa, karidade, no uniaun perfeitu ho Kristu no loke an ba haraik an iha ksolok Magnifikat nian" (Cost. 4)

Impeñu: Ohin hau sei foti tempu oituan atu medita artigu ruma mariana husi ita nia Konstituisaun no husu nia grasa atu nia bele presnte iha hau nia moris no tulun hau atu sai husi an rasik atu lori kristu ba ema seluk.

Loron 7 : "O Maria Auxiliadora, halo ami fiel ba ami nia vokasaun no haraik mai ami ita nia protesaun iha sirkutansia ida-idak iha, ami nia moris no iha momentu atu mate"

L.Aktu saran an nian foti frase matenek nian husi fundador nia moris, fo hanoin mai ita atu saran an liu husi intersesaun Materna Maria nian, ida nee knar importante atu madura iha fidelidade presente vokasaun nebe ita simu. Nain Fetu rasik; iha mehi koluna rua nian dehan ba Don Bosco: " ho nia foinsae sira:" se imi iha devosaun boot mai hau, Hau sei sai ba imi Inan domin nain'. Ho lia fuan simples ida nee, Maria fo seguransa mai ita atu experimenta nia protesaun iha sirkutansia ida-idak iha ita nia moris no iha momentu atu mate" iha misura ida nebe ita saran an ba nia, laos ho lia fuan deit maibe ho hahalok no ho lialos." (GV3,18)